

**Bosna i Hercegovina  
Federacija Bosne i Hercegovine  
V L A D A**

**Samo za službenu upotrebu**

**Z A P I S N I K  
141. hitne sjednice Vlade Federacije Bosne i Hercegovine,  
održane 20.11.2024. godine u Sarajevu**

**Sarajevo, novembar 2024. godine**

## Z A P I S N I K

141. hitne sjednice Vlade Federacije Bosne i Hercegovine,  
održane 20.11.2024. godine u Sarajevu

Sjednica je počela u 14.30 sati.

Predsjedavao je Nermin Nikšić, premijer.

Sekretar Vlade, gđa. Edita Kalajdžić, konstatirala je da sjednici, osim premijera, Nermina Nikšića, prisustvuju: Toni Kraljević, zamjenik premijera i federalni ministar finansija i Vojin Mijatović, zamjenik premijera i federalni ministar razvoja poduzetništva i obrta, te federalni ministri: Ramo Isak, federalni ministar unutrašnjih poslova, Andrijana Katić, federalni ministar prometa i komunikacija, Nedžad Lokmić, federalni ministar za pitanja boraca i invalida odbrambeno-oslobodilačkog rata, Nerin Dizdar, federalni ministar raseljenih osoba i izbjeglica, Jasna Duraković, federalni ministar obrazovanja i nauke, Sanja Vlasisavljević, federalni ministar kulture i sporta, Amir Hasičević, federalni ministar trgovine, Kemal Hrnjić, federalni ministar poljoprivrede, vodoprivrede i šumarstva, Željko Nedić, federalni ministar prostornog uređenja i Nasiha Pozder, federalni ministar okoliša i turizma.

Odsutni su bili: Vedran Škobić, federalni ministar pravde, Vedran Lakić, federalni ministar energije, rudarstva i industrije, Nediljko Rimac, federalni ministar zdravstva i Adnan Delić, federalni ministar rada i socijalne politike.

Dijelu sjednice su prisustvovali: Mario Glibić, član Nadzornog odbora Sarajevo osiguranja d.d. Sarajevo, Jasmin Rustemi, član Nadzornog odbora Sarajevo osiguranja d.d. Sarajevo i Ivana Prvulović, v.d. direktora Federalne uprave za inspeksijske poslove.

Sjednici su prisustvovali: Željko Silađi, direktor Ureda Vlade Federacije Bosne i Hercegovine za zakonodavstvo i usklađenost sa propisima Evropske unije, Samira Demirović, direktor Ureda Vlade Federacije Bosne i Hercegovine za odnose s javnošću, Arijana Huseinović-Ajanović, direktor Ureda premijera Federacije Bosne i Hercegovine, Mira Bagarić, predstavnik Ureda predsjednika Federacije BiH, Vildana Vejzagić, predstavnik Ureda potpredsjednika Federacije BiH, Mirjana Vučić, pomoćnik federalnog ministra finansija, Josip Nikolić, savjetnik federalnog ministra prometa i komunikacija, Marica Bulić, savjetnik zamjenika premijera za pravna pitanja, informiranja i analitiku–šef Kabineta u Kabinetu zamjenika premijera i federalnog ministra finansija, Dženita Salihović, savjetnik premijera Federacije BiH, Širaza Brka, šef Odsjeka za pripremu sjednica Vlade i radnih tijela Vlade i zaključke Vlade, Sanela Adžović, šef Odsjeka za saradnju sa Parlamentom i drugim organima i tijelima Federacije BiH, Amer Đonko, stručni savjetnik za pripremu sjednica, Semir Džafo, stručni saradnik za pripremu sjednica, Jasenka Tica, stručni saradnik u Sektoru za koordinaciju politika i poslova detaširanih ureda Generalnog sekretarijata Vlade Federacije BiH, Dunja Supur-Sahačić, Mirela Kukan i Ognjen Blagojević, predstavnici Ureda Vlade Federacije Bosne i Hercegovine za odnose s javnošću.

**Vlada je jednoglasno usvojila sljedeći**

## **DNEVNI RED**

### **1. Prijedlozi odluka:**

**a) Prijedlog odluke o davanju prethodne saglasnosti Nadzornom odboru Javnog preduzeća Željeznice Federacije Bosne i Hercegovine d.o.o. Sarajevo za donošenje Odluke o razrješenju vršilaca dužnosti članova Uprave Javnog preduzeća Željeznice Federacije Bosne i Hercegovine d.o.o. Sarajevo**

**b) Prijedlog odluke o davanju prethodne saglasnosti Nadzornom odboru Javnog preduzeća Željeznice Federacije Bosne i Hercegovine d.o.o. Sarajevo za donošenje Odluke o imenovanju vršilaca dužnosti članova Uprave Javnog preduzeća Željeznice Federacije Bosne i Hercegovine d.o.o. Sarajevo**

**Izvjestilac: Andrijana Katić, federalni ministar prometa i komunikacija**

**2. Informacija Federalnog ministarstva prometa i komunikacija u vezi s Inicijativom za poduzimanje aktivnosti za isplatu neraspoređene dobiti društva BH TELECOM d.d. Sarajevo za 2023. godinu, sa Prijedlogom zaključka**

**Izvjestilac: Andrijana Katić, federalni ministar prometa i komunikacija**

**3. Usmena Informacija Federalnog ministra prometa i komunikacija o sanaciji željezničke pruge**

**Izvjestilac: Andrijana Katić, federalni ministar prometa i komunikacija**

**4. Prijedlog odluke o davanju ovlaštenja punomoćniku za zastupanje Vlade Federacije Bosne i Hercegovine na 49. (vanrednoj) sjednici Skupštine dioničara Union banke d.d. Sarajevo**

- Prijava za učešće u radu i odlučivanju na 49. (vanrednoj) sjednici Skupštine dioničara Union banke d.d. Sarajevo**
- Punomoć za učešće u radu i odlučivanju na 49. (vanrednoj) sjednici Skupštine dioničara Union banke d.d. Sarajevo**
- Materijali za Dnevni red 49. (vanredne) sjednice Skupštine dioničara Union banke d.d. Sarajevo**

**Izvjestilac: Nermin Nikšić, premijer Federacije BiH**

**5. Informacija o potpisanim Sporazumima i Implementacijskim protokolima o vojno-finansijskoj saradnji između Vlade Federacije Bosne i Hercegovine i Republike Turske u periodu 1998 – 2005. godine, sa Prijedlogom zaključka**

**Izvjestilac: Nedžad Lokmić, federalni ministar za pitanja boraca i invalida odbrambeno-oslobodilačkog rata**

**6. Usmena Informacija članova Nadzornog odbora „Sarajevo osiguranja“ dd. Sarajevo**

**Izvjestioци: Toni Kraljević, zamjenik premijera i federalni ministar finansija; Mario Glibić, član Nadzornog odbora Sarajevo osiguranja; Jasmin Rustemi, član Nadzornog odbora Sarajevo osiguranja**

**7. Informacija o drugoj fazi saradnje u okviru novog projektnog zadatka Federalne uprave za inspekcijske poslove uz donatorsku podršku Evropske banke za obnovu i razvoj, sa Prijedlogom zaključka Ivana Prvulović, v.d. direktora Federalne uprave za inspekcijske poslove**

**AD.1. Prijedlozi odluka:**

- a) Prijedlog odluke o davanju prethodne saglasnosti Nadzornom odboru Javnog preduzeća Željeznice Federacije Bosne i Hercegovine d.o.o. Sarajevo za donošenje Odluke o razrješenju vršilaca dužnosti članova Uprave Javnog preduzeća Željeznice Federacije Bosne i Hercegovine d.o.o. Sarajevo
- b) Prijedlog odluke o davanju prethodne saglasnosti Nadzornom odboru Javnog preduzeća Željeznice Federacije Bosne i Hercegovine d.o.o. Sarajevo za donošenje Odluke o imenovanju vršilaca dužnosti članova Uprave Javnog preduzeća Željeznice Federacije Bosne i Hercegovine d.o.o. Sarajevo

Vlada je jednoglasno donijela:

a) Odluku o davanju prethodne saglasnosti Nadzornom odboru Javnog preduzeća Željeznice Federacije Bosne i Hercegovine d.o.o. Sarajevo za donošenje Odluke o razrješenju vršilaca dužnosti članova Uprave Javnog preduzeća Željeznice Federacije Bosne i Hercegovine d.o.o. Sarajevo, u tekstu kako je predloženo, i

b) Odluku o davanju prethodne saglasnosti Nadzornom odboru Javnog preduzeća Željeznice Federacije Bosne i Hercegovine d.o.o. Sarajevo za donošenje Odluke o imenovanju vršilaca dužnosti članova Uprave Javnog preduzeća Željeznice Federacije Bosne i Hercegovine d.o.o. Sarajevo, u tekstu kako je predloženo u uvodnom izlaganju, pri čemu će Federalno ministarstvo prometa i komunikacija dostaviti Generalnom sekretarijatu Vlade Federacije konačan tekst Odluke radi potpisivanja i daljeg postupanja.

**AD.2. Informacija Federalnog ministarstva prometa i komunikacija u vezi s Inicijativom za poduzimanje aktivnosti za isplatu neraspoređene dobiti društva BH TELECOM d.d. Sarajevo za 2023. godinu, sa Prijedlogom zaključka**

Vlada je, nakon obavljene rasprave, jednoglasno donijela sljedeći zaključak:

„1. Vlada Federacije Bosne i Hercegovine prihvata Informaciju Federalnog ministarstva prometa i komunikacija u vezi s inicijativom za poduzimanje aktivnosti za isplatu neraspoređene dobiti društva BH TELECOM d.d. Sarajevo za 2023. godinu.

2. Zadužuje se Uprava Dioničkog društva BH TELECOM Sarajevo da pokrene proceduru raspoređivanja neraspoređene dobiti utvrđene Odlukom Skupštine Dioničkog društva BH TELECOM Sarajevo o raspodjeli dobiti za 2023. godinu, broj: 00.1-03-50882-5/24 od 28.06.2024. godine na donacije.

3. Ovaj zaključak stupa na snagu danom donošenja.“

**AD.3. Usmena Informacija Federalnog ministra prometa i komunikacija o sanaciji željezničke pruge**

Vlada je, nakon obavljene rasprave, jednoglasno donijela sljedeći zaključak:

„1. Usvaja se Usmena informacija Federalnog ministarstva prometa i komunikacija o aktivnostima za otklanjanje štete i uspostavljanje prometa na željezničkoj pruzi dionica Ostrožac-Grabovica.

2. Zadužuju se Federalno ministarstvo finansija i Federalno ministarstvo prometa i komunikacija da u skladu sa potrebama osiguraju finansijska sredstva za sanaciju šteta na željeznici u skladu sa procjenama troškova dostavljenim u dokumentu Plana aktivnosti za otklanjanje štete i regulaciju prometa.

3. Zadužuje se JP Željeznice FBiH d.o.o. Sarajevo da u roku 15 dana provedu postupke nabavki usluga i radova potrebnih za sanaciju šteta na željezničkoj pruzi, a u skladu sa procedurama koje, uvažavajući kriterij hitnosti, predviđa Zakon o javnim nabavkama Bosne i Hercegovine.

4. Zadužuje se Federalno ministarstvo prometa i komunikacija da obavještava Vladu Federacije BiH o statusu provedenih aktivnosti.

5. Ovaj zaključak stupa na snagu danom donošenja.“

**AD.4. Prijedlog odluke o davanju ovlaštenja punomoćniku za zastupanje Vlade Federacije Bosne i Hercegovine na 49. (vanrednoj) sjednici Skupštine dioničara Union banke d.d. Sarajevo**

- **Prijava za učešće u radu i odlučivanju na 49. (vanrednoj) sjednici Skupštine dioničara Union banke d.d. Sarajevo**
- **Punomoć za učešće u radu i odlučivanju na 49. (vanrednoj) sjednici Skupštine dioničara Union banke d.d. Sarajevo**
- **Materijali za Dnevni red 49. (vanredne) sjednice Skupštine dioničara Union banke d.d. Sarajevo**

Vlada je jednoglasno, u tekstu kako je predloženo, donijela Odluku o davanju ovlaštenja punomoćniku za zastupanje Vlade Federacije Bosne i Hercegovine na 49. (vanrednoj) sjednici Skupštine dioničara Union banke d.d. Sarajevo.

**AD.5. Informacija o potpisanim Sporazumima i Implementacijskim protokolima o vojno-finansijskoj saradnji između Vlade Federacije Bosne i Hercegovine i Republike Turske u periodu 1998 – 2005. godine, sa Prijedlogom zaključka**

Vlada je jednoglasno prihvatila Informaciju o potpisanim Sporazumima i Implementacijskim protokolima o vojno-finansijskoj saradnji između Vlade Federacije Bosne i Hercegovine i Republike Turske u periodu 1998 – 2005. godine i donijela predloženi zaključak.

**AD.6. Usmena Informacija članova Nadzornog odbora „Sarajevo osiguranja“ dd. Sarajevo**

Vlada je, nakon obavljene rasprave, jednoglasno donijela sljedeći zaključak:

„1. Prihvata se Usmena informacija članova Nadzornog odbora „Sarajevo osiguranja“ d.d. Sarajevo o provođenju Zaključka V. broj: 1656/2024 od 07.11.2024. godine.

2. Zadužuje se Federalno ministarstvo finansija da, u skladu sa odredbama člana 232. stav (2) Zakona o privrednim društvima („Službene novine Federacije BiH“, br. 81/15 i 75/21), podnese Nadzornom odboru „Sarajevo osiguranja“ d.d. Sarajevo zahtjev za sazivanje Skupštine sa Prijedlogom dnevnog reda, a imajući u vidu da isti nije postupio u skladu sa Zaključkom Vlade Federacije Bosne i Hercegovine V. broj: 1656/2024 od 07.11.2024. godine.

3. Ovaj zaključak stupa na snagu danom donošenja.“

**AD.7. Informacija o drugoj fazi saradnje u okviru novog projektnog zadatka Federalne uprave za inspekcijske poslove uz donatorsku podršku Evropske banke za obnovu i razvoj, sa Prijedlogom zaključka**

Vlada je jednoglasno prihvatila Informaciju o drugoj fazi saradnje u okviru novog projektnog zadatka Federalne uprave za inspekcijske poslove uz donatorsku podršku Evropske banke za obnovu i razvoj i donijela predloženi zaključak.

**Sjednica je završena u 15:15 sati.**

**Broj: 03-02-1848/2024  
20.11.2024. godine  
Sarajevo**